



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-2-40-204-4/23**

Datum: **31.05.2023. godine**

«Agencija za vodno područje rijeke Save» Sarajevo rješavajući po zahtjevu Grada Lukavac, za izdavanje vodne saglasnosti na projektnu dokumentaciju KOREKCIJA NOVELACIJE GLAVNOG PROJEKTA „Uređenje korita rijeke Spreče u Lukavcu na potezu od izvedenog dijela do ušća Jale” Faza 1 (dionica 1), urađen od strane Spreča d.d. Tuzla, decembar 2021. godine, na osnovu člana 109. stav (1) tačka 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o vodnoj saglasnosti**

1. Podnosiocu zahtjeva, Gradu Lukavac, daje se vodna saglasnost na projektnu dokumentaciju KOREKCIJA NOVELACIJE GLAVNOG PROJEKTA „Uređenje korita rijeke Spreče u Lukavcu na potezu od izvedenog dijela do ušća Jale” Faza 1 (dionica 1), urađen od strane Spreča d.d. Tuzla, decembar 2021. godine koja obuhvata prostor koji se vodi kao dio k.č. 4270/33, 4268/1, 4268/2, 4268/3, 4270/34, 4268/5 i 4301/1 K.O. Lukavac i dio k.č. 1390 K.O. Modrac, u ukupnoj dužini cca 550m, u postupku pribavljanja odobrenja za građenje.
2. Vodna saglasnost se donosi na osnovu utvrđenog činjeničnog stanja i pregleda projektne dokumentacije: KOREKCIJA NOVELACIJE GLAVNOG PROJEKTA „Uređenje korita rijeke Spreče u Lukavcu na potezu od izvedenog dijela do ušća Jale” Faza 1 (dionica 1), urađen od strane Spreča d.d. Tuzla, decembar 2021. godine, (ev.broj: 2793/I-1), koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-010-8/23 od 13.03.2023. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 2. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Nositelj prava iz vodne saglasnosti dužan je u saradnji sa izvođačima radova i nadzornim organom prije početka radova riješiti način uklapanja (prelaznu dionicu) nivelete uređenog korita u postojeće korito, tako što će se bez značajnijih zahvata u prostoru moći pristupiti realizaciji uzvodne dionice regulacije korita, uz istovremeno zadovoljenje zahtjeva u pogledu zaštite od plavljenja i štetnih djelovanja erozionih procesa.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama materijala iz korita i svim ostalim podacima koji se uobičajeno vode kod ovakve vrste radova.
 - 3.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.5. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.7. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.8. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.10. Nakon završetka radova, potrebno je izvršiti ravnanje i uređenje korita, obala i pojasa u kome su vršeni radovi, tj. dovođenje kompletnog terena u projektovano, odnosno, na prostorima koji su korišteni u toku gradnje, u prvobitno stanje.
- 3.11. U toku izvođenja radova nosilac prava iz ove vodne saglasnosti i odabrani izvođač radova dužni su se pridržavati svih uslova iz dozvole za građenje ukoliko isti nisu u suprotnosti sa ovom vodnom saglasnosti.
- 3.12. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom regulacije korita rijeke, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na regulaciji korita rijeke na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Korisnik vodne saglasnosti ostaje u obavezi da prije početka radova, a kada period izvođenja radova na uređenju korita vodotoka, najmanje sedam dana ranije obavijesti Udruženje sportsko ribolovno društvo „Smud“ Lukavac, koje je korisnik ribolovnog prava na ovom ribolovnom području, o početku izvođenja radova u koritu rijeke Spreče, na predmetnoj dionici.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na regulaciji korita rijeke, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je dužan da prije početka izvođenja radova okonča proceduru eksproprijacije i promjene vlasništva zemljišta, tj. riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
10. Ova vodna saglasnost prestaje da važi istekom roka od 2 (dvije) godine od dana njenog izdavanja, ukoliko do tog dana nije pribavljeno odobrenje za gradnju i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Podnosioc zahtjeva, Grad Lukavac se dana 18.05.2023. godine, aktom broj: 06-45-64-136/23 od 17.05.2023. godine, obratio ovoj Agenciji za izdavanje vodne saglasnosti na projektnu dokumentaciju KOREKCIJA NOVELACIJE GLAVNOG PROJEKTA „Uređenje korita rijeke Spreče u Lukavcu na potezu od izvedenog dijela do ušća Jale“ Faza 1 (dionica 1), urađen od strane Spreča d.d. Tuzla, decembar 2021. godine.

Uz zahtjev za izdavanje vodne saglasnosti dostavljana je slijedeća dokumentacija:

A. Opšta dokumentacija

- Kopija obavještenja o razvrstavanju pravnog lica prema djelatnosti broj: 07-32.5-10375/22 od 04.08.2022. godine, izdatog od strane Službe za statistiku za područje Tuzlanskog kantona;

- Ovjerena kopija uvjerenja o poreznoj registraciji, izdatog 04.08.2022. godine od strane Porezne uprave Federacije - Kantonalnog poreznog ureda Tuzla;
- Kopija Rješenja o urbanističkoj saglasnosti broj: 05-19-1157/23 od 15.05.2023. godine izdata od Službe za urbanizaciju imovinske i geodetske poslove, Grad Lukavac;
- Kopija rješenja o prethodnoj vodnoj saglasnosti broj: UP-1/21-1-40-010-8/23 od 13.03.2023. godine izdata od strane ove Agencije;
- Dokaz o uplaćenju upravnoj taksi u iznosu 60,00KM;
- Izjava o riješenim imovinsko-pravnim odnosima broj: 06-45-64-136-1/23 od 30.05.2023. godine;
- Saglasnost Udruženja sportsko ribolovno društvo „Smud“ Lukavac, broj: 90/23-05/2023 od 29.05.2023. godine.

B. Tehnička dokumentacija

- Ovjerena dokumentacija: KOREKCIJA NOVELACIJE GLAVNOG PROJEKTA: „Uređenje korita rijeke Spreče u Lukavcu na potezu od izvedenog dijela do ušća Jale“ Faza 1 (dionica 1), urađen od strane Spreča d.d. Tuzla, decembar 2021. godine, (ev.broj: 2793/I-1);

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku koji je prethodio donošenju ovog rješenja utvrđeno je:

- Za potrebe izrade projektne dokumentacije angažirana je projektna kuća JP „Spreča“ d.d. Tuzla, koja je uradila projektnu dokumentaciju predmetnog uređenja rijeke Spreče, pod nazivom KOREKCIJA NOVELACIJE GLAVNOG PROJEKTA: „Uređenje korita rijeke Spreče u Lukavcu na potezu od izvedenog dijela do ušća Jale“ Faza 1 (dionica 1), decembar 2021. godine.
- Za predmetnu aktivnost je od Službe za urbanizaciju imovinske i geodetske poslove, Grad Lukavac izdato Rješenje o urbanističkoj saglasnosti broj: 05-19-1157/23 od 15.05.2023. godine, kojim je izdata od Službe za urbanizaciju imovinske i geodetske poslove, Grad Lukavac. Navedenim rješenjem je obuhvaćena dionica od PP1 (ST 0+0.00) do PP12 (ST 0+550.00).
- Tehničkom dokumentacijom: „KOREKCIJA NOVELACIJE GLAVNOG PROJEKTA: „Uređenje korita rijeke Spreče u Lukavcu na potezu od izvedenog dijela do ušća Jale“ Faza 1 (dionica 1)“ obrađena je dionica uređenja korita od PP1 (ST 0+0.00) do PP13 (ST 0+600.00) i prelazna dionica od PP13 do PP16 (ST 0+700.00).
- Ukoliko se realizaciji predmetnog projekta iz bilo kojih razloga pristupi na način da se pojedine dionice izvode fazno, prije početka radova potrebno je podjelu na etape analizirati na način opisan u tački 3.2. dispozitiva rješenja.
- Da je od strane ove Agencije, rješenjem broj: UP-1/21-1-40-010-8/23 od 13.03.2023. godine izdata prethodna vodna saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
- Situativni prikaz projektnog rješenja za predmetnu dionicu sa planiranim radovima na uređenju korita i izgradnji objekata za zaštitu od poplava, pozicijom planiranih objekata (silazna rampa, stabilizacioni pragovi, stepenište, objekti za uvođenje zaobalnih voda, prelazna dionica i sl.), razmjere 1:1000, sve urađeno na bazi raspoloživih geodetskih podloga za potrebe izrade ove projektne dokumentacije. U projektnoj dokumentaciji je priložen uzdužni profil u razmjeri 1:100/1000 kao i poprečni profili u razmjeri 1:200;
- Usvojen je normalni profil oblika dvostrukog trapeza širine minor korita u dnu 30m, berme 7m i krune nasipa 4m. Nagib kosina obale minor korita je 1:2, major korita je 1:3. Širina nasipa je 4m a nagib kosine nasipa prema branjenom području je 1:2. Usvojena visina proticajnog profila odgovara nivou stogodišnje vode + nadvišenje promjenljive visine. Oblaganje kosina korita rijeke predviđeno sлагanim kamenom $d_{sr}=30\text{cm}$, do kote berme.
- Izgradnjom objekata za zaštitu od poplava i uređenjem korita rijeke Spreče na predmetnom lokalitetu postiže se zaštita od velikih voda, obezbjeđuje proticajni profil i sprječava štetno djelovanje voda;
- Ukupna dužina projektovane regulacije korita iznosi cca 600 m i prelazna dionica dužine 100m;
- Planirani radovi i aktivnosti predstavljaju nastavak izgradnje objekata regulacije na ovom području.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava u predmetnom području, na osnovu člana 109. stav (1) tačka 8. i 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- GRAD LUKAVAC, Služba za investicije i razvoj, Trg Slobode br. 1, 75300 Lukavac (Prilog – tehnička dokumentacija navedena pod tačkom B obrazloženja Rješenja)
- AVP Sava, ISV – Vodna knjiga
- Sektor 30
- Sektor 40, arhiva
- oglasna ploča AVP - Sava